



Luftimi i trafikimit të qenieve njerëzore – Shqyrtim i politikave të Republikës së Maqedonisë

31 Gusht
2009

Luftimi i trafikimit të qenieve njerëzore – Shqyrtim i politikave të Republikës së Maqedonisë

Për shkak të kërkesës në rritje, tregu i prostitucionit po shënon rritje në Evropë, Amerikë të Veriut dhe pjesë të tjera të botës. Ndërsa pyetjes se pse kjo kërkesë është në rritje më së miri do i përgjigjeshin analistët kulturorë, rezultatet e tmerrshme të përhapjes së këtij trendi janë më se të qarta. Miliona gra në mbarë botën janë transportuar nga vendi në vend për t'u 'punësuar' në seks-industrinë, shpesh pa dëshirën e tyre dhe nën kërcënimin e dhunës kundër kunders tyre ose kundër të afërmeve të tyre. Në botën e trafikimit të qenieve njerëzore, Maqedonia është në pozicionin e vendeve të ashtu-quajtura "vend tranzit" ku gratë e sjellura në mënyrë të paligjshme nga vende të tjera si Serbia dhe Bullgaria janë transferuar pastaj në vende si Greqia dhe Shqipëria të cilat në të shumtën e rasteve kanë përfunduar në shtetet e Evropës Perëndimore.

Qëllimi i këtij raporti të shkurtër është të japë hollësira mbi mbështetjen institucionale, ligjore dhe Strategjinë Kombëtare për të përballuar trafikimin e qenieve njerëzore. Për më tepër, raporti ka për qëllim të bëjë një krahasim në mes të nismave të Maqedonisë për luftë kundër trafikimit të qenieve njerëzore dhe strategjisë për trajtimin e trafikimit të qenieve njerëzore të paraqitur në raportet e NATO-s.

Maqedonia në rrjetin global të trafikimit njerëzor

Ndërsa situata në shkallë globale në lidhje me Trafikimin Njerëzor është duke u përkeqësuar, si pasojë e asaj që kohëve të fundit janë zhvilluar shumë forma të trafikimit të qenieve njerëzore, është e qartë se qeveritë e të gjitha vendeve duhet të ndërmarrin veprimet e duhura dhe të tregojnë vendosmëri në mënyrë që të kontribuojnë përbashkërisht për të shtypur këtë kërcënim për sigurinë globale në vecanti të njerëzimit. Nevoja e veprimit sistematik dhe të menjëhershëm buron nga serioziteti i çështjes gjë e cila është reflektuar edhe në të dhënat statistikore në këtë fushë e që tregojnë se numri i njerëzve në skllavëri në botën e sotme është më shumë se 27 milion. Trafikimi i qenieve njerëzore, sipas statistikave të njëjta, është industria e dytë më e madhe e kundërligjshme me të ardhura vjetore prej më shumë se 10 miliard dollarë. Duke patur parasysh se sa fitimprurës është biznesi i tregtimit të qenieve njerëzore për kriminelët e përfshirë, është e qartë se detyra për përballim me këtë kërcënim do të jetë sfiduese dhe e fortë.

Evropa Jug-Lindore është një nga rajonet në botë ku kjo çështje është tepër serioze në proporcion me burimin, tranzitin dhe destinacionin e trafikimit të qenieve njerëzore. Prandaj është e rëndësishme që vendet në këtë rajon të zhvillojnë strategji të qëndrueshme me theks bashkëpunimin ndërmjet tyre në mënyrë që të zvogëlohet në mënyrë efektive trafikimi i qenieve njerëzore në rajon.

Në rrjetin global, Maqedonia në aspektin e trafikimit njerëzor është kryesisht një vend tranzit, Megjithatë, në një raport të kohëve të fundit nga Departamenti i Shteteve të Bashkuara, Shteti ndodhet në listën e vendeve si destinacion i fundit i trafikimit, si edhe si një vend burim i viktimave

të trafikimit njerëzor.

Në Raportet e Departamentit të Shtetit, vendet janë renditur për nga përpjekjet e tyre për të luftuar trafikimin e qenieve njerëzore. Në raportin më të fundit të Departamentit të Shtetit Maqedonia është vlerësuar në Grupin e parë të vendeve, që do të thotë se vendi përkon me standardet minimale të veprimit për eliminimin e trafikimit. Në grupet e tjera (Grupi 2 dhe 3 i shteteve) janë respektivisht vendet që nuk përmbushin plotësisht standardet minimale, por janë duke punuar për të përmbushur të njëjtat ose nuk përmbushin standardet aspak. Viktimat e trafikimit të qenieve njerëzore, kryesisht vijnë nga Moldavia, Rumania, Ukraina, Bullgaria dhe trafikohen në vendet perëndimore evropiane nëpërmjet Maqedonisë, Serbisë, Kosovës dhe Shqipërisë .

Raporti I i Departamentit të Shtetit mbi të Drejtat e Njeriut bën me dije se në çdo kohë të dhënë rreth 2400-2600 gra qëndrojnë në Maqedoni (kryesisht në viset perëndimore të vendit si Veleshtë, Tetovë dhe Gostivar) ose janë në pritje të trafikohen në vendet e Evropës perëndimore, ose fundja vazhdojnë të shfrytëzohen në mënyra të ndryshme, më së shpeshti seksualisht, në bare dhe lokale bordelesh. Pika hyrëse në Maqedoni janë identifikuar pikat kufitare me Kosovën, Serbinë dhe Bullgarinë (Kosovë - Tetovë, Serbi - Kumanovë dhe Bulgari - Kriva Pallankë, Strumicë dhe Delcevë), ndërsa për dalje janë përdorur Dojrani dhe Gjevgjelia pranë kufirit me Greqinë si dhe rajoni i Strugës për kufirin shqiptarë.

Korniza ligjore për luftim të trafikimit me qenie njerëzore

Sa i takon kornizës ligjore për Luftimin e Trafikimit Njerëzor, Qeveria e Maqedonisë ka sjell një strategji kombëtare për trajtimin e trafikimit njerëzor. Strategjia Kombëtare synon krijimin e një kuadri efektiv në institucionet e vendit që do të bënte më efikase luftën kundër trafikimit të qenieve njerëzore. Kuadër të këtillë i duhen vendit, nevoja të cilat përputhen edhe me Kushtetutën e Republikës së Maqedonisë, Konventën për Stabilizim dhe Asociimit të BE-së dhe konventën e OKB-së kundër Krimit Trans-nacional.

Strategjia Kombëtare përbëhet nga disa pjesë. Së pari, strategjia përcakton qartë se çfarë është trafikimi njerëzor. Gjithashtu, strategjia ka për qëllim të ndryshojë Kodin Penal në drejtim të përforcimit të kapaciteteve të gjykatave për ndjekjen penale të rasteve që përfshijnë trafikimin njerëzor. Dhe së treti, ajo shtrin juridiksionin e vet në tërë territorin e përshfshirë nga rastet ku ky lloj krimi është prezent. Ndryshimet në Kodin Penal duhet të mundësojnë mbrojtje të veçantë të dëshmitarëve. Strategjia bën thirrje gjithashtu për përforcimin e zbatimit të legjislacionit që ka të bëjë me shtetasit e huaj në përgjithësi. thirrja e gjashtë ka të bëjë me intensifikimin e inspektimeve të bizneseve. Megjithatë, aktivitetet e tjera të përfshira në Strategjinë Kombëtare kanë të bëjnë me zhvillimin e masave parandaluese që do të reduktojnë shfaqjen e rasteve të trafikimit njerëzor; programe për ndihmë dhe përkrahje të personave të përfshirë në trafikimin njerëzor, programi për kthimin dhe riintegrimin e viktimave; bashkëpunim ndërkombëtar dhe koordinim në implementimin e ligjit; arsimimi i personelit, koordinimi mes institucioneve të ndryshme në zbatimin e programeve që do të ndikojnë në opinionin publik.

Nenet 418-a, 418-b, dhe 418-v të Kodit Penal e definojnë trafikimin e qenieve njerëzore si krim dhe kështu formon bazë ligjore për institucionet për të luftuar këtë lloj krimi. Këto nene përmendin një

gamë aktivitete që janë konsideruar si të paligjshme dhe që janë të lidhura me aktivitete të trafikimit njerëzor. Neni 418-a i ligjit përmend rekrutimin, transportimin, transferimin, mbrojtjen e personave, të cilet me anë të kërcënimit ose përdorimit të forcës ose forma tjera të ushtrimit të dhunës, rrëmbimit, mashtrimit, të abuzimit të pushtetit ose të ndonjë pozite, apo të dhënies ose marrjes së pagesave apo përfitimeve për të arritur pëlqimin e një personi që ka kontroll mbi një person tjetër, për qëllim të shfrytëzimit.

Shfrytëzimi përfshin prostitucionin e njerëzve ose formave të tjera të eksploatimit seksual, punës së detyruar, skllavërinë ose praktika të ngjashme me skllavërinë, robërinë ose heqjen e organeve, vepra penale këto për të cilat pëson dënim minimum prej katër vitesh burg.

Neni 418-b i ligjit të bëjë me kushte të ngjashme, siç përshkruhet në 418-a, por e njëjta vlen të theksohet se vlen për emigrantët. Neni 418-c përcakton shkelësit dhe përfshin çdo person i cili është anëtar i një grupi kriminal, mbështetës apo ndihmues i një grup kriminal. Megjithatë, anëtarët e një grupi kriminal të cilët do të lëshojnë grupin para se të kryhet ndonjë krim do të lirohen nga akuza. Dënimet për vepra penale të neneve 418-a, b, c janë të rënda dhe shkojnë nga një deri në dhjetë vjet burgim.

Neni 418-a është neni më i rëndësishëm në sistemin e legjislacionit të Maqedonisë për luftën ndaj trafikimit të qenieve njerëzore. Ky nen është adoptuar si një ndryshim në Ligjin Penal ekzistues dhe është në përputhje me nenin 3 të Protokolleve të Palermos. Protokollet e Palermos janë dy protokollet e miratuar së bashku me Konventën e OKB-së kundër Krimit Trans-nacional në vitin 2006.

Megjithatë në mënyrë që të forcohet legjislacioni në të ardhmen, Ministria e Drejtësisë do të dërgoj propozimet për ndryshime në Kodin Penal për shqyrtim në Parlament. Seksion i ri në nenin 418-a është propozuar, e që u referohet zyrtarëve përgjegjës për udhëheqje me Doganat, Ministrinë e Brendshme ose institucionet tjera publike, nëse prova dëshmon se ata eventualisht mund të kishin qenë të përfshirë në aktivitetet e trafikimit të qenieve njerëzore. Ndryshimet sa i takon gjatësisë së vuajtjes së dënimit janë nga 8 deri në 15 vjet burgim. Ndryshime të tjera i referohen nenit 418b që i referohet kontrabandimit të emigrantëve dhe rregullon përgjegjësinë e zyrtarëve.

Ministria e Brendshme ka miratuar një deklaratë për t'u marrë me ceshtjen e të huajve, e që janë viktimat e trafikimit njerëzor në bazë të Ligjit për Organizimin dhe funksionimin e institucioneve publike. Qëllimi i kësaj deklarate është perforcimi i kapaciteteve institucionale të policisë për t'u përballur me këtë problem. Qeveria ka miratuar edhe Procedura Standarde Operative për trajtimin e viktimave të trafikimit njerëzor.

Komisioni Kombëtar; Trajektimi i punës së ministrive

Trafikimi I njerëzve krah për krah me forma komplekse të krimit të organizuar. Prandaj është e pamjaftueshme ndjekja penale e vetëm atyre që janë të përfshirë drejtpërdrejt në krim të caktuar. Në rrjete të organizuara mirë që përfshijnë më shumë aktorë ndërkombëtare, shpesh herë njerëzit që kapen janë vetëm një pjesë e një zinxhiri shumë më të madh të njerëzve që janë të përfshirë në këtë lloj biznesi famëkeq.

Përveç përpjekjeve për drejtësi për viktimat e trafikimit njerëzor, qeveria e Maqedonisë duhet të

sigurojë kujdes mjekësor, programe ri-integrimi, dhe siguri sociale të viktimave. Kështu, lufta kundër trafikimit të qenieve njerëzore është luftë pan-institucionale: ajo përfshin institucione të ndryshme në faza të ndryshme. Të gjitha këto institucione luajnë rol të rëndësishëm në procesin e parandalimit të trafikimit njerëzor. Institucionet gjatë trajtimit të këtij problemi duhet të veprojnë në mënyrë të integruar. Prandaj, organizimi dhe koordinimi institucional është i rëndësishëm dhe duhet të synojë të sigurojë integrimin e nevojshëm të institucioneve.

Në Maqedoni, Ministria e Brendshme kontrollon kufijtë së bashku me Doganat, por është gjithashtu përgjegjëse për zbatimin e nenit 418a, b, c në tërë territorin e Maqedonisë. Ministria e Punës dhe Politikës Sociale ka për detyrë të kryejë inspektime të rregullta me qëllim që të sigurojë se në bizneset e regjistruara në Maqedoni askush nuk është shfrytëzuar. Përveç kësaj Ministria duhet të sigurojë programe të cilat do të ndihmojnë në ri-integrimin e viktimave. Ministria e Drejtësisë harton legjislacionin e duhur dhe është përgjegjëse për mbrojtjen e dëshmitarëve dhe për përpunimin e rasteve. Ministria e Arsimit vepron si një institucion që përhapë ndërgjegjësimin e opinionit lidhur me këtë lloj të krimit ndërsa Ministria e Shëndetësisë ofron ndihmë adekuate shëndetësore. Shpesh sektori civil merr një rol të rëndësishëm në procesin e edukimit publik dhe vepron si burim i ideve politike. Komisioni kombëtar u themelua për shkak se shpesh ballafaqimi me burokracinë paraqitet si sfidë e vecantë që do të rezultonte në joefikasitet të luftës kundër trafikimit me njerëz. Ky komision vepron si një ombrellë që afroh dhe bashkon institucionet e ndryshme të cilat bashkërisht do të luftonin të gjitha aktivitetet që në një mënyrë ose tjetër nënkuptojnë trafikim me qenie njerëzore. Autoriteti më i lartë në Komisionin Kombëtar është Sekretari kombëtar që koordinon punën e komisionit.

Komisioni kombëtar dhe Procedurat standarde operativ; Shtyllat kryesore të Strategjisë së Maqedonisë në Luftimin e trafikimit njerëzor

Në raportin e fundit të Departamentit të Shtetit të SHBA Maqedonia u shfaq në grupin TIER1, e shoqëruar vetëm nga Kroacia nga vendet e rajonit. Kështu, sipas këtij raporti, Maqedonia ka përmirësuar punën e saj në luftën kundër trafikimit të qenieve njerëzore. Kjo është një mirënjohje për suksesin e strategjisë kombëtare të Maqedonisë deri tani, si edhe një stimul për vendin për të vazhduar me rezultatet pozitive. Për këtë arsye Maqedonia mund të bëhet një shembull i mirë për vendet e tjera në rajon.

Strategjia Kombëtare për luftën kundër trafikimit të qenieve njerëzore është zhvilluar nga Komisioni Kombëtar i formuar me vendim të Qeverisë së Republikës së Maqedonisë (botuar në Gazetën Zyrtare Nr: 18/20010). Në përputhje me këtë vendim, Komisioni Kombëtar ka këto kompetenca:

-Për të analizuar situatën në lidhje me trafikimin e njeriut dhe migrimit ilegal dhe të mbikëqyrë veprimet që do të merren

- Të koordinojë aktivitetet e institucioneve kompetente
- Të bashkëpunojë me organizatat ndërkombëtare dhe joqeveritare të përfshira në procesin zgjidhjes së problemeve në këtë fushë.

Përpyekjet e Komisionit Kombëtar në luftën kundër trafikimit të qenieve njerëzore janë të bazuara mbi legjislacionit ekzistues si edhe në dy dokumentet më të rëndësishme që komisioni ka përgatitur dhe ka miratuar: "Procedurat standarde operative dhe Praktikumi për Luftimin e Trafikimit Njerëzor".

Procedurat standarde operative (PSO) janë të bazuara mbi disa dokumente të rëndësishme, si dhe në organizata ndërkombëtare, të cilat merren me çështjen e trafikimit të qenieve njerëzore në fusha të ndryshme dhe në nivele të ndryshme, të tilla si ligjet e miratuara në legjislacionin kombëtar, konventat, dhe doracakë lëshuar nga OSBE-ja dhe Organizata Ndërkombëtare për Migracionin.

PSO masat merren me fushat e mëposhtme:

- Identifikimi i viktimave të trafikimit njerëzor
- Statusi ligjor i viktimave të trafikimit njerëzor
- Rikthimi i viktimave të trafikimit njerëzor në vendin e tyre të origjinës
- Sigurimi ndihmës për viktimat e trafikimit njerëzor para kthimit të tyre në vendin e origjinës
- Sigurimi I ndihmës në riintegrimin e viktimave pas kthimit të tyre në vendin e origjinës -procesi gjykimin në të cilat viktimat janë të përfshirë si dëshmitarë

PSO përbëhet nga pesë pjesë: Identifikimi dhe dhënia e informacionit; ndihmë fillestare; Kthimi, riintegrimi dhe procesi ligjorë. Në çdo pjesë PSO siguron informata të dobishme dhe u përgjigjet pyetjeve kyçe si:

- Cilat masa duhet të ndërmerren?
- Kur do të ndërmerren?
- Kush do të jetë përgjegjës për masat e përshkruara?
- Si do të bëhet implementimi i masave të përshkruara? dhe Si do të të ndihmojnë institucionet qeveritare dhe organizatat nga sektori civil në këtë rast?

Iniciativa për të krijuar "Praktikumin për Luftimin e Trafikimit Njerëzor është iniciativë e Organizatës Ndërkombëtare për Migracionin, një institucion i cili ka përvojë të konsiderueshme në luftën kundër trafikimit njerëzor. Practicum-i është parë si një manual praktik për të trajnimin e nëpunësve civil, gjyqtarëve dhe punonjësit në sektorin jo-qeveritar, me një theks të veçantë në të drejtat e njeriut dhe statusin e viktimës pas identifikimit nga ana e tyre si viktimë e trafikimit njerëzor. Qëllimi i Praktikimit është rritja e nivelit të profesionalizmit dhe sjelljes etike të personave kompetent. Me këtë dokument njerëzit janë bërë më të vetëdijshëm për atë se cka është trajtimi i drejtë i viktimave të trafikimit të njerëzve. Ky Praktikum është përgatitur në bashkëpunim me personat kompetent me përvojë të konsiderueshme në këtë fushë, ajo do të ndihmojë personat e

përfshirë në luftën kundër trafikimit njerëzor në trajtimin me sfidat e përditshme që ata do të përballen.

Prioritetet strategjike të Komisionit Kombëtar për vitin e ardhshëm janë si vijon:

1. Miratimi i Planit Kombëtar të Veprimit për periudhën 2009-2012 nga Qeveria dhe zbatimin e tij.
2. Koordinimi i vazhdueshëm në mes të gjitha institucioneve relevante dhe organizatat të cilat luftojnë trafikimin njerëzor .
3. Trajnimi i vazhdueshëm dhe zhvillimi i aftësive të personave kompetent që punojnë në këtë fushë.
4. Intensifikimi i bashkëpunimit rajonal dhe ndërkombëtar.
5. Përmirësimi i kushteve për zbulim më të efektshëm dhe dënimi i kryesve të veprave penale të lidhura me trafikimin njerëzor.

Përmirësimi i vazhdueshëm i Strategjisë Kombëtare, sipas Organizatës Ndërkombëtare për Migrim vazhdoi edhe në vitin 2009. “Procesi i rishikimit të Planit Kombëtar të Veprimit në Luftimin e Trafikimit me Qenie Njerëzore dhe Emigrimit të Paligjshëm (NAP), i cili filloi në 2008, ka vazhduar në vitin 2009, përfshirë rishikimin dhe përgatitjen e një Strategjie të re për periudhën 2009-2012. Komisioni Kombëtar për Luftimin e Trafikimit të Personave dhe Emigrimit të Paligjshëm në prill të vitit 2009ndërmori një proces intenziv takimesh dhe konsultimesh me organizata Kombëtare dhe Ndërkombëtare me palët e interesuara dhe finalizoi dokumentin për periudhën 2009-2012.

Ndryshimet në Strategjinë Kombëtare duhet qeverisë t’i ofrojnë një kornizë të përmirësuar që do të mundësojë institucioneve të merren në mënyrë më të efektshme me trafikimin e njerëzve dhe migracionin e paligjshëm.

Vendi ka bërë përparim të konsiderueshëm në fushën e koordinimit institucional dhe miratimin e legjislacionit për trajtim të trafikut me qenie njerëzore, por ka ende mungesë në zbatimin e ligjeve. Edhe pse raporti i Departamentit të Shtetit, klasifikon Maqedoninë në grupin e parë, Maqedonia duhet të bëjë më shumë përpjekje në zbatimin e ligjeve dhe procedurave të ekzistues.

Politika e NATO-s për Luftimin e Trafikimit të Qënieve Njerëzore

Misioni primar i NATO-s nuk është lufta kundër trafikimit njerëzor. Megjithatë, për shkak se trafikimi i qënieve njerëzore dëmton të drejtat themelore të njeriut dhe ka një ndikim të madh në stabilitetin e një vendi, NATO ka miratuar një politikë të zero-tolerancës mbi trafikimin njerëzor, e cila është miratuar në Samitin e Stambollit, në qershor 2004. Për shkak të faktit se trafiku njerëzor është aktiviteti i dytë për nga madhësia sa i takon krimit të organizuar, ai mund të jetë një faktor destabilizues ose dobësues i stabilitetit të brishtë të një shteti të caktuar. Trafikimi njerëzor kështu formon një forcë kontradiktuese në përpjekjet e NATO-s për të ndihmuar qeveritë në krijimin dhe mbajtjen e shteteve mbi parimet e sundimit të ligjit dhe respektimit të të drejtave të të garantuara të njeriut. Prandaj, NATO merr përgjegjësinë për të kontribuar në luftën globale kundër trafikimit

njerëzor. Për të arritur qëllimet lidhur me luftën kundër trafikimit të qenieve njerëzore, NATO mbështetet në nevojën për thellimin e mëtejshëm të bashkëpunimit midis NATO-s dhe institucioneve të tjera relevante si, OSBE, IOM, OKB dhe sektori joqeveritar.

Maqedonia punon drejt arritjes së objektivave të përcaktuara nga politikat e NATO-s. Programi vjetor nacional i Maqedonisë për anëtarësimin në NATO përshkruan aktivitetet më të rëndësishme në fushën e luftës kundër trafikimit të qenieve njerëzore në mënyrë që të përputhet me rekomandimet e NATO-s.

Deri tani një pjesë e konsiderueshme e dokumenteve të rekomanduara nga NATO janë ratifikuar dhe në këtë mënyrë është bërë pjesë e legjislacionit maqedonas. Disa nga aktivitetet më të rëndësishme të përshkruara në Programin Kombëtar janë:

- dispozitat e reja në Kodin Penal në lidhje me trafikun njerëzor
- miratimi i Procedurave Standarde Operative
- krijimin e bazave të të dhënave mbi autorët e trafikimit të qenieve njerëzore në Ministrinë e Brendshme (Sektori për trafikimin e qenieve njerëzore dhe kontrabandë të emigrantëve) dhe një bazë të dhënash për viktimat në Ministrinë e Punës dhe Politikës Sociale
- Përmirësimi i sistemit për dhënien e ndihmës sociale për viktimat

Zbatimi i plotë i rekomandimeve të NATO-s do të ketë një efekt pozitiv të dyfishtë. Në një anë, ajo do të kontribuojë për ndërtimin e një marrëdhënie më të ngushtë midis NATO-s dhe Maqedonisë, dhe nga ana tjetër është thelbësore në luftën kundër trafikimit të qenieve njerëzore.

Rekomandime

Pavarësisht rezultatet pozitive të zbatimit të legjislacionit dhe themelimi i sistemit institucional për luftën kundër trafikimit njerëzor, numri i rasteve të trafikimit njerëzor që policia ka zbuluar në vitin 2008, në krahasim me numrin e parashikuar të viktimave të trafikimit të qenieve njerëzore në Maqedoni, është modest. Gjithashtu numri i njerëzve të akuzuar për trafikim të njerëzve në Maqedoni nuk përshtaten me numrin e vërtetë të personave të përfshirë në këtë formë të krimit të organizuar. Kapja e sa më shumë kryesve të veprave të tilla mbetet ende prioritet esencial. Fakti se vetëm një numër i vogël i autorëve janë duke u kapur lidhet pjesërisht me kompleksitetin e veprës penale. Gjyqtarët shpesh zgjedhin të trajtojnë viktimat e trafikimit të qenieve njerëzore si emigrantë të paligjshëm dhe për këtë arsye trafikantët nuk marrin dënimin e drejtë. Në këtë drejtim, është i nevojshëm trajnimi i duhur dhe plotësues është më se i nevojshëm.

Dimensioni trans-nacional i trafikimit të qenieve njerëzore kërkon bashkëpunim të plotë mes vendeve në mënyrë që ky problem të luftohet në mënyrë të suksesshme. Sipas Raportit të lëshuar nga Departamenti i Shtetit i SHBA lidhur me trafikimin e qenieve njerëzore, vetëm Maqedonia dhe Kroacia bëjnë pjesë në vendet e grupit 1 Tier. Në mënyrë që të rrisë luftën rajonale kundër trafikimit të qenieve njerëzore, vendet e tjera në rajon duhet të përmirësojnë performancën e tyre në këtë fushë dhe të veprojnë në përputhje me standardet minimale për luftim të trafikimit, dhe kështu të bëjnë

përparim drejt grupit 1 TIER. Prandaj, Maqedonia duhet aktivisht të përfshihet në procesin e këmbimit të përvojave të saj pozitive me vendet në rajon. Kjo mund të bëhet me takime qeveritare dhe bashkëpunim të intensifikuar ndërmjet sektorëve civil nga rajoni.

Programi për politikë të jashtme dhe siguri

Kontakt

ANALITIKA

Dame Gruev 7/8-3
1000 Skopje, Macedonia
tel: + 389 2 312 1948
web: www.analyticamk.org
info@analyticamk.org

Hulumtues në Programin për politikë të jashtme dhe siguri

Andreja Bogdanovski
abogdanovski@analyticamk.org

Analitika - organizate e pavarur joprofitabile e perkushtuar per te ndihmuar persona dhe institucione ne perforcimin dhe permiresimin afatgjate te demokracise dhe udheheqjes si ne R. e Maqedonise ashtu edhe me gjere ne rajon.

Analitika eshte organizate per analize dha hulumtim te politikave publike (think-tank), e perkushtuar ne promovimin dhe zhvillimin e bashkpunimit ndermjet subjekteve dhe organizatave ne R. e Maqedonise dhe me gjere.